


373638

陈集



余景和
编

陈鹤集

中国书店影印

本丛书编委

主 编	李经纬	孙学威
编 委	王致谱	傅 芳
	郑金生	胡乃长
	任春梅	

诊 余 集

*

中国书店 出版

新华书店首都发行所发行 赵全营燕峰胶印厂印刷

*

787×1092 1/32 4.375印张

1987年10月第1版 1987年10月第1次印刷

印数: 0.001—5.500

定价: 1.00元

序 言

中国医药学是一个伟大的宝库，在数千年历史发展过程中，积累了丰富的医疗实践经验，形成了自己独特的理论体系。

认真学习中医原著，是继承和发扬中医学术的传统方法，也是较好地掌握中医理论的基础途径。建国三十多年来，出版过数百种中医原著的影印本、点校本，满足了广大中医工作者的需求，促进了中医学术的普及和提高。但是，这些中医原著的影印本或偏重于善本、孤本、秘本，或部头较大、印数不多，一些排印本也大多出版较早，久已脱销。有鉴于此，我们编选了这部《中医基础丛书》，以满足当前三十多万中医工作者和中医函授、刊授学员自修进修之需要，该丛书由北京市中国书店影印出版，全国新华书店发行。

中国医学发展到明清时期，较唐宋以前有了明显的提高，特别是在注疏阐释古典医著、丰富临床实践经验、重视医学普及等方面，都大大超过前代，因此，本丛书选题以明清医家撰著为主，其收录原则为通俗易懂、切合实用、理论与临床并重，注意发挥小科优势等。收录的范围是：（一）在中医学史上有较高价值，建国以来从未出版者；（二）在中医发展史上起过较大普及作用，建国以来未曾出版或虽出版而供不应求者；（三）富有中医特色，属于当前

中医短线而已面临失传之著述。本丛书暂定100种，分五辑影印出版。为保持原貌，本丛书均择较好的版本影印，不予删节。各书中有些现代科学尚不能解释的内容，或因受历史条件限制而夹杂的一些不当内容，尚希读者以辨证唯物主义的观点正确对待，取其精华，去其糟粕，用科学方法进行整理和提高，以推动中医学术的进一步发展和繁荣。

医学的发展进步同其他任何科学学术水平的提高一样，都遵循着一个共同的规律，即是既要重视提高，又要重视普及，在普及的基础上提高，既要强调发扬，又要强调继承，有继承才能更好地发扬。我们编选这一部丛书，就是在这一思想指导下，力求使系统阅读者获得双重效果。我们希望《中医基础丛书》的出版，能为当前中医学术的普及和提高，发挥一定的作用。

编者

一九八五年十月

序

余外舅聽鴻先生爲醫數十年。有等身著作。本編獨未刊。中所有者。雖寥寥短章。殆集衆長。所謂取諸人以爲善者也。人言先生操業。不斷之於報酬。以爲謁然仁者。不知以術濟人。其範圍猶狹。著書立說。使後之學者。知所折衷。其爲仁乃大也。元產丁年荒嬉。虛糜歲月。不獲負劍辟珥。親承教誨。今者謬膺診務。閱歷略廣。而所學乃益形不足。獨居深念。輒凜虎尾春冰之懼。而先生則已爲古人。僅得於遺編尋繹緒餘。不及親炙。是可憾也。家大人嘗詔元產曰。汝曹不知爲學之甘苦。以有蔭庇也。吾與汝岳皆以亂離之餘。憂憂獨造。憂患人事。百端紛集。而卒底於成。然自古之有成者。罔不如此。不獨醫道爲然。而蒙蔭庇者。輒終身不聞道。可知蔭庇之不足恃也。退而自維。彌復自疚。而於外舅之爲人。乃低徊往復。不能去懷。不獨於其書珍惜有加也。內兄繼鴻將以付梓。余亟懇懇之。固欲以永吾外舅之手澤。而亦願使天下人共見之。書之傳否。所謂文章公器。非戚族阿好。所能左右。惟

讀是編者。知先生之用心。因知爲醫之當潛心研求。不因人事紛擾而中輟。不故步自封。而樂取於人以爲善。則先生爲不朽矣。醫仁術也。然非操此業者之爲仁。乃能孳孳爲學。自立立人之爲仁。孟子謂函人仁於矢人。其實今之爲醫者。不免以函人而爲矢人之事。因於此書之付梓。謹述庭訓所聞。及元彥對於是書之感想。以就正於世人之嗜此編者。

民國七年歲次戊午孟冬子堦丁元彥謹識

診餘集目錄

關格 二則

關格兼痿

痿 二則

虛脹 五則

腫脹 二則

溼溫

呃逆

暑風痙厥

暑溫

暑犯厥陰

戰汗

冬溫咳嗽

溼痺

久痛入絡

戴陽

脫症

上下並脫

陰陽並脫

虛斑亡陽

陰斑瀉血

陰斑熱陷

腹痛肝厥

症犯厥陰

厥陰傷寒

瘧厥

食厥

氣厥

肝陽吐血

膽汁不清

熱極似寒

熱深厥深

二則

嘔瀉虛痞

結胸

黃疸

案二則

脾泄

溼聚便血

便血傷脾

不食不便

大便秘結

熱鬱腸胃

瘀結少腹

小便癰閉

遺精

男子陰吹

龍陽毒

附腎虛面黑案一則

脫肛奇治

溫補成消

食參盲目

藥積

陽虛目疾

孩食碎磁

膈内生蟲

桃葉吐痰

附瘰癧案一則

尸厥

祟病

遊魂

子痢

胞阻

胞壓膀胱

胎前吐瀉

滑胎

產後咳痢

產後中暑

產後氣脫

產後血脫

產後血暈

產婦洩難

血分

黃帶

陰痿

小兒初生撮口

骨槽風 二則

瘰癧 二則

時毒 二則

齒衄

舌瘍

咽喉 五則

發背

流痰 二則

脇癰

肺痿

肺癰 五則

胃癰 三則

肝癰 二則

腸癰 二則

腎俞發

懸癰

痔漏

前陰

截臂

額上生蟲

菖蒲根洗痔

診餘集目錄終

診餘集

荆溪余景和聽鴻甫著

塔武進丁元彥仲英

後學武進惲樹珏鐵樵校訂

男

振基幼鴻

振元繼鴻

關格

琴川趙姓女年十九。面色如常。毫無病容。脈見左弦右弱。余曰。木強土弱。肝木犯胃。尅脾。飲食作吐否。其父曰。然。卽進疏肝扶土降逆之劑。明日又至。其父曰。昨日所服之藥。傾吐而盡。余卽細問其病之始末。其父曰。此病有一年半矣。余曰。何不早治。其父曰。已服藥三百餘劑。刻下只能每日飲人乳一杯。已月餘。未得更衣。余乃細詢其前服之方。皆進退黃連湯。資液救焚湯。代赭旋覆湯。四磨飲。五汁飲。垂汁牛乳飲。俱已服過。又云不但服藥。而川鬱金磨服已有三斤。沉香磨服亦有四

五兩。余曰。今之鬱金。實卽莪蓂之子。大破氣血。伽南香雖云理氣。其實是本有氣無味。二味多服。津液愈虧。胃汁愈枯。藏府日見乾澀。此乃雜藥亂投。大傷津液。而成關格也。余細細思之。取大半夏湯加淡菰蓉。懷牛膝。金匱腎氣丸。絹包同煎。以取半夏之辛開滑降。甘草人參生津養胃。生蜜甘潤。甘瀾水取其引藥下行。增肉菰蓉之滑潤。腸腑滋膏。牛膝之降下。而潛虛陽。再以金匱腎氣丸溫動真陽。雲蒸雨施。藉下焦之陽。而布上焦之陰。服後仍傾吐而盡。余頗焦灼。問曰。人乳何以飲。其父曰。一杯作四五次。方能飲盡。惟金匱腎氣丸乾者三四粒。亦能下咽。余曰。得之矣。將原方濃煎。或置鷄鳴壺內。終日燉溫。頻頻取服。令病人坐於門前。使其心曠神怡。忘却疾病之憂。將腎氣丸四錢乾者。每次三四粒。用藥汁少些送之。一日夜盡劑。就余復診。余曰。別無他治。仍將蜜作腎氣丸乾。嚙以原方藥汁送之。服三四劑。忽然神氣疲倦。面色轉黃。一月餘未得更衣。忽下燥糞兩尺。臥床不能起矣。舉家驚惶。余曰。下關雖通。上關仍閉。飲食仍不得下。幸而乾者能嚙。尙有一線生

機將腎氣丸四錢。和入蒸飯四兩。搗丸。將前方去蓯蓉牛膝。遵前法漸漸吞之。後仍前法。再加蒸飯四錢。照法吞之。數日後。胃得穀氣。食管漸潤。腎氣丸每日加服一錢。漸加至飯三四兩。皆用大半夏湯吞之。後以飯作丸。用清米飲吞之。一日能進飯丸四兩。再食以乾飯。上格已開。腑氣亦潤。後用潤燥養陰之品。調理三月而愈。所以仲聖之法。用之得當。如鼓應桴。人云仲聖之法。能治傷寒。不能治調理者。門外漢也。關格皆屬津枯。倘用香燥以取一時之快。此乃暗藏利刃。殺人於無形之地耳。余於此症。焦勞兩月。始能治痊。亦生平一快事也。

又

琴川東周墅顧姓。年三十餘。素性好飲縱慾。腎虛則龍火上燔。嘔血盈盆。津液大傷。他醫以涼藥遏之。後年餘。大便秘結。匝月不解。食入卽嘔。或早食暮吐。又經他醫投以辛香溫燥。嘔吐更甚。就余寓診。余曰。大吐血後。津液已傷。又經辛香溫燥。更傷其液。肝少血養。木氣上犯。則嘔。腸胃乾澀。津不能下降。則腑道不通。故而便

堅陰結也。即進進退黃連湯。加菴容。枸杞。歸身。白芍。沙苑。兔絲。柏子。仁。麻。仁。牛膝。肉桂。姜。棗。等溫潤之品。服四五劑。即能更衣。其嘔亦瘥。再加鹿角霜。龜版膠。又服二十餘劑。乃痊。至今已八年矣。或有發時。服甘溫滋潤藥數劑。即愈。此症如專以香燥辛溫。耗燥津液。關格斷難復起。汪詠庵曰。關格之症。治以辛溫香燥。雖取快於一時。久之必至於死。爲醫者當如何慎之。

關格兼痿

庚午余治琴川孝廉邵君。憂如生平嗜飲過度。且有便血證。便血甚多。始則飲食漸少。繼則四肢痿軟。後即飲食不得入。手不能舉。足不能行。邀余診之。詢其顛末。每日只能飲人乳一杯。米粉粥一鍾而已。看前醫之方。皆服芳香溫燥。診脈弦澀而空。舌津燥。余曰。此乃血不養肝。津液乾澀。食管不利。夫格症皆屬津枯。剛燥之劑亦在所禁。痿屬血少。不能榮養筋絡。多服燥烈芳香。胃汁枯。津液傷。痿症已成。格亦難免。即進以養血潤燥之品。服五六劑。格症漸開。余思草木柔潤之劑。難生

氣血亦不能入絡。因其好酒。便血太多。後起此症。卽進以血肉有情之品。虎骨、鹿骨、龜版等膠。牛筋、蹄筋、鹿筋、羊脛骨、鷄翅及菰蓉、魚線膠、枸杞、歸身、巴戟、豬脊筋、大隊滋補重劑。服十餘劑。關格大開。漸能飲食。手足痛勢已舒。手略能舉。步稍能移。後卽將此方加羊腎、海參、淡菜共十七味。約四五斤。濃煎收膏。服四五料。步履如常。飲食亦復。手亦能握管矣。古人云。精不足者。補之以味。其言洵不誣也。後邵君賜余匾額。山中良弼四字。雖不敢當。然余亦煞費苦心矣。愈後三年。因其不能戒酒。遠色。以慎保養。得中風症而逝。

痿

琴川小東門王姓。年約十七八。素有滑洩遺精。兩足痿軟。背駝腰屈。兩手扶杖而行。皮枯肉削。彼云。我有溼氣。已服三妙湯數十劑。罔效。予曰。瘦人以溼爲寶。有溼則肥。無溼則瘦。觀其兩腿。大肉日削。診脈兩尺細軟。難經曰。下損於上。一損損於腎。骨痿不能起於床。精不足者。補之以味。損其腎者。益其精。如再進苦燥利溼。陰

分愈利愈虛。兩足不能起矣。進以六味地黃湯。加虎骨、龜版、鹿筋、菴蓉、大劑。填下滋陰。服十餘劑。兩足稍健。再將前方加魚線膠、鹿角霜等。服十餘劑。另服虎潛丸。每日五錢。兩足肌肉漸充。步履安穩。後問曰。前方何醫所診。曰。吾受業師某所書也。我習醫已三年矣。余卽勸其改業。不必習此小道。夫醫之一業。功少過多。利小任重。有生計者。不必習也。

治痿諸法。症治準繩各書。言語甚爲紛繁。以余思之。用法當簡。惟乾溼二字足矣。如花、卉、菜、蔬。過溼則痿。過燥則痿。人之痿而不振。亦惟乾燥二字盡矣。看痿之乾溼。在肉之削與不削。肌膚之枯潤。一目了然。如肉腫而潤。筋脈弛縱。痿而無力。其病在溼。當以利溼祛風燥。溼其肉。削肌枯。筋脈拘縮。痿而無力。其病在乾。當養血潤燥舒筋。余治痿症甚多。今憶兩條。未嘗不可爲規則也。治翁府船夥錢姓。至上海。驟然兩足痿軟無力。不能站立。就診於余。診其脉帶濡兼數。按之數更甚。口中臭氣不堪。小便短赤。莖中澁痛。問其上海宿妓否。答曰。住宿兩宵。可曾受溼否。曰。